



Els s'audan tiels victurs dalla cursa dil Club da skis Scopi. Da senierster: Sandro Lutz, Nadia Venzin ed Anja Venzin.

Dil Scopi a Caischavedra

Il Club da skis Scopi ha fatg cursa e fiasta

■ La sonda vargada ha giu liug a Caischavedra la cursa da skis dalla Uniun da skis Scopi. Dapi entgins onns vegn menau atras duas cuorsas e lu mesirau la differenza da temps. La sonda ein 13 affons e diesch carschi semesirai. Tgi ei seruschnaus cun skis e tgi cun aissa dalla pista bein preparada giuado. La pli giuvna participonta aveva sis onns ed il pli vegl 59 onns. Tuts han percurri il medem parcours, aschia ch'ils affons han perfin saviu semesirar culs carschi.

Schau anavos ils buobas e las buobas pli gronds ha la scolara Nadia Venzin che ha gudignau la cursa cun ina differenza da temps da 3/100 secunda ella categoria d'affons. Gnanc ils carschi ein vegni aschi datier.

Ella categoria dallas dunnas ha Irena Flepp gudignau cun ina differenza da 23/100 secunda ed ella categoria dilz umens 1 ei Martin Venzin staus il victur cun ina differenza da 37/100 secunda. Il pli spert temps dil di ha Gerold Lutz da Pardé contonschiu. Cul temps da 1 min. 25 sec e 87 tschienavels ed ina differnza da temps da 17/100 secunda eis el staus il victur dil di ed ha aschia repetiu il success digl onn var-

Ciprian Giger

Tgei has unschiu?

Il Club da skis Trun al Maraton dall'Engiadina

■ (pn) La dumengia vargada ein 25 curridras e curriders da Trun separticipai al Maraton dall'Engiadina. Mintg'onn serendan els da cumpignia la sonda cul tren viers l'Engiadina e stattan sur notg a Pontresina. «Tgei has unschiu?». Quei ei la damonda ch'ei vegnida tschentada il pli savens il di avon il maraton. La sera da tscheina ei aunc vegniu discutat differntas tactics e tschentau finamiras. Esser pli sperts ch'igl onn vargau ei stada la finamira da tuts. Ils biars han buca durmiu bein. Forsa eran els memia nervus ni forsa disturbava il runchem dad in

ni l'auter. La finala han tuts absolvu la distanza da 42 km e contonschiu l'arrivada a S-chanf. Toni Livers ha spiars mo 30 secundas sil victur e contonschiu il 17avel plaz. Eligius Tambornino ei daven-taus 52avel. «Tuppamein sun jeu reclusas 300 meters suenter la partenza. Jeu sun denton tuttina fetg cuntents cun mia prestaziun», di il giuvan da 18 onns. Gion Antieni Maisen ei arrivau al final cun in temps sco 150avel. Era ils auter curriders e las curridras san esser loschs dil success. Ils biars vegnan era a separticipar al 38avel maraton igl onn proxim.



25 curridras e curriders da Trun ein separticipai al Maraton dall'Engiadina. FOTO P. NAY

Ils purs fan tgira da caglioms

Cultivaders da Laax, Falera, Schluein e Sagogn ein seperfectziunai

■ (abc) Ier ha igl Uffeci cantunal per natira ed ambient organisau a Laax in cuors per la tgira da caglioms. En connex cul project Platta Pussenta ein varga in tozzel purs s'occupai cun muschnas, triembels, tgagiastretg, parmuglias e fraissen. L'entira damaun ei stada dedicata alla teoria. Il menader dil project Platta Pussenta, Alexander Gabriel, ha introduciu 15 purs da biestga gronda e da nuorsas ella materia. 83 pertschien dilz menaschis da Falera, Laax, Schluein e Sagogn han signau ils contracts da tgira. Per la tgira da cagliom retscheivan els indemnisaziuns tochen 400 francs per hectara. Ils contracts garanteschon che 30 hectaras pailiu, 45 hectaras pastiras e 35 hectaras praus creschan buc en. Il suentermiezi han ils purs applicau la teoria ella pratica. Accumpignai dilz selviculturs Maurus Cavigelli e Sigi Andreoli, sco era dil guardiaselvaschina Kaspar Sax, han els empriu d'encouscher valeta e nez da cagliom spess e da plantas dominontas. Igl areal da Fletg/Giratsch sur la via can-



Maurus Cavigelli (dretg) cun ina gruppa da cultivaders. FOTO B. BELI

tunala ei in spazi da viver per selvaschina ed uschleglia. Cultivar quel munta ch'ins mantegni ina cuntrada varia

ed attractiva. Ils contracts da cultivaziun ein fixai per sis onns, els ein denton concepi per pli liung cuoz.

■ (sb) A Surrein ei la sala da scola s'emplenida la davosa fin d'jamna duas gadas dil tuttafatg. Il concert dalla Societat da musica Surrein ha plaschiu agl auditori. Per risadas ha l'Uniun da giuventetgna Surrein procurau cul toc «Ina cura da camifo». Il dirigent dalla Societat da musica Surrein, Marcus Candinas, ha in dun special d'eleger tocs che tschaffan il publicum. Ins ha sentiu ch'era las 29 musicantas e musicants sunan cun plascher quella musica. Als affons han cunzun ils tocs ord ils films «The Flintstones» e «Pippi Langstrumpf» plaschiu oreifer. Tier in concert d'ina musica da stuors eis ei buc aschi usitau ch'il publicum astga accompagnar ils musicants cun sbatschar. Quei experiment ei denton gartegiaus a Surrein e cun integrar en qual sgnooca, empau cant e coreografia han els dau ina tempra speciala al concert.

Ina rolla pil purschi «Heinrich» La gruppa da teater dall'Uniun da giu-

Sclariu il misteri «Heinrich»

Ils da Surrein han divertiu cun in concert melodius ed in toc humoristic



Ils giugadurs da Surrein en accziun tier la cura da camifo. FOTO S. BEARTH

ventetgna da Surrein ha presentau il toc humoristic «Ina cura da camifo». Ils reschissurs André Walther e Valentin Schmed han capiu d'inscinar il toc hu-

moristic d'Arthur Brenner a moda zun divertenta. Robert Pelican, in giuven original cun bien senn pil humor, han els plaz-

zau ella rolla dil mazler Carli Cavriu. Il mazler haveva surmagliu e buiu dame-mia alla perdanonza dil club da heidghels e fuss il pli bugen ius a tschiel pervia da sias dolurs. Damai ch'era il cavagl dil mazler haveva surmagliu e la feglia Rosa (Carla Candinas) ha scumbigliu il veterinari (Flavio Candinas) cul miedi ha ei dau in schischuri nunpusseivel.

Il mazler disfortunau ha survegniu il clister e la cura ch'eran previ pil cavagl. Il publicum vuleva strusch pli calar da rir cu il Gusti (Urban Maissen), igl em-prendist (Clau Giger) e la funitgasa (Flurina Candinas) fagevan la cura cul pupratsch. La consorta (Brida Candinas) dil mazler ei stada bi leda che siu um ha surviviu bein la cura.

Cun marveglias spetgavan ils aspectaturs silla sligiaziun dil misteri «Heinrich». Il purschi «Heinrich» ha giugau ina pingta rolla ed ei staus mo in mumentin sin tribuna. Tuttina ei il purschi staus ina gronda surprisa ed ha procurau per risadas.

Giugadurs motivai

Dapi entgins temps han ils reschissurs e giugadurs da Surrein il giavisch da fundar ina gruppa da teater. Per munconza da temps ei quei denton aunc buca reusiu. «Nossa finamira ei la presentaziun da tocs humoristics», relata Valentin Schmed. Ils giugadurs seigien motivai da giugar ina cumedia pli liunga. El ha giu dadi in toc sin meisa, las rollas seigien ton sco repartidas ed ins stoppi sultetamein aunc fixar in termin cunvegnet.



Igl actur «Heinrich» ha sligiun il misteri.

La lavur maunca buca

Rapport annual dalla Corporaziun d'aua Spina da vin

■ (anr/hh) Tier la Corporaziun d'aua Spina da vin Mustér ei igl onn 2004 staus ell'enzenna dallas midadas persunalas. Suenter la demission digl entir cussegl d'administraziun ha in niev surprui il tgamun dall'organisaziun. Il quen da menaschi pigl onn passau ei positivs. Mardis, ils 29 da mars 2005 salva la Corporaziun d'aua Spina da vin Mustér sia radunonza generala. Per l'emprema ga vegn il cussegl d'administraziun niev, presidiat dad Edwin Deflorin, a dar plaid e fatg davart il curriu e passau. Suenter la radunonza generala detg turbulenta digl onn vargau duess quella d'uonn puspei sesplegar el rom dallas precedentas. En vosta alla radunonza ha il cussegl d'administraziun danovamein distribuü siu rapport annual che cuntegn las indicaziuns davart la lavur pre-stada e prevedida, sco era la situaziun finanziaria dalla corporaziun.

Mudest gudogn

Il quen dalla Corporaziun d'aua Spina da vin Mustér siara cun in gudogn da biebin 11 000 francs enviers in tal da struschamein 7000 francs igl onn precedent. La corporaziun ha incassau 408 000 francs en fuorma da taxas d'aua e biebin 115 000 francs taxas da colligiaziun. Il recav ord la vendita d'energia ei sereudiciu levamein enviers igl onn avon e munta pil 2004 a 189 000 francs. Las entradas totalas contonschan la summa da 733 000 francs. Ella colonna dallas expensas fuorman il manteniment digl aquaduct e las amortisaziuns las parts principalas.

Il manteniment munta a 164 000 francs, las amortisaziuns a 245 000 francs. En andrez novs ha la corporaziun investau igl onn vargau 74 000 francs. La summa da bilanza semova entuorn 2,45 milliuns francs.

Manteniment cuosta

En sias investiziuns ei la Corporaziun d'aua Spina da vin Mustér seconcentrada igl onn 2004 per gronda part sin il manteniment da ses indrez e da sia infrastruttura. Aschia eis ei stau necessari d'exequir differntas reparaturas per garantir a vischinas e vischins il provediment cun aua. Dus incaps han procurau per disturbs tier las ovras electricas. A Pardi ei il generatur dad 11 onns barschaus ora e ha stuiu vegnir revidius totalmein. A Londernei ha il cametg donnegiau igl indrez electric e la comunicaziun. Ils davos quater onns ha la corporaziun installau successivamein ils dumbraders per il diever dall'aua. Egl avegnir surveschan quels alla corporaziun per eruir il diever d'aua, mo era alla vischnaunca per eruir il quantum d'aua che sto vegnir purificaus ella sere-stada e prevedida, sco era la situaziun finanziaria dalla corporaziun.

Previu pliras investiziuns

En siu rapport annual dat il cussegl d'administraziun era ina cuorta survesta dallas investiziuns previdas ils proxims onns. Quellas seconcentreschan orovontut sin lingias d'aquaduct e sin novas lingias da tschaffadas. Denter auter pre-favada ella da far la colligiaziun digl aquaduct d'aua da Segnas cun la lingia d'aua per il hotel Acla da Fontauna ed il Center da sport e cultura. Medemamein ei previu da realizar la colligiaziun cun la zona da mistregn Plaun da Diras/Pignola. Tschaffadas novas per lingias existentas ein previdas a Steginas ed a Tiolas-Rosas/Lag da Tgauns.

INA MINUTA

Senza etichetta

(mk) Il meister pretendeva ch'ei detti alla fin dilz quens negin senn da s'identificar sco inder, chines, african, american, hindu, cristian ni musulman damai che quei seigien mo truchets ed etichettas. In scolar ha insistiu ch'el seigi igl em-prem ed il davos e surtut gediu. Di il meister amicablamein: «Tia

educaziun ei gediu, mo buca tia identita-d.» «Tgei ei lu mia identita-d?» «Nuot», di il meister. «Ti creis, jeu sundel in nuot ed in vit?» damonda il scolar consternius. «Nuot, ch'ins savess nudar cun ina etichetta.» Anthony de Mello

reclama

ERFRISCHEND GÜNSTIG.

Gültig vom 15.3. bis 21.3.

Appenzeller mild
Packung à ca. 200 g per 100 g

1.40

statt 1.75

Trauben weiss, blau und rosé
aus Südafrika per kg

3.90

Schweinskoteletts
aus der Schweiz mager, per 100 g

1.40

vom Hals per 100 g
1.30 statt 1.70

Brot Création: Gerstenbrot
350 g

2.50

Alle Früchte-Quark und Slimline Früchte-Quark
Becher à 125 g ~25 günstiger
Beispiel: Erdbeer-Quark
Becher à 125 g

-.50

statt -.75

Gurken
aus Spanien und Bulgarien pro Stück

1.30

Freiland-Poulet St-Sever
frisch, aus Frankreich per kg

10.-

statt 14.50

SOLANGE VORRAT

4 für 2

Salami Rapellino Classico (feinkörnig)
hergestellt in der Schweiz aus Schweizer Fleisch geschnitten, in der Schale 4 x 100 g

9.-

statt 18.-

Genossenschaft Migros Ostschweiz

MIGROS

SO ODER SO

MGB www.migros.ch
M-CUMULUS. Punkte und sparen.